



Publicaziuns officialas dils 11-05-2018

Protocol dalla radunonza communal dils 24-04-2018

Naven dils 11-05-2018 ei il protocol dalla radunonza communal dils 24-04-2018 exponius public en scaffa avon la canzlia communal e sin la pagina d'internet www.sumvitg.ch duront 30 dis.

Il protocol sa plinavon vegnir retratgs dalla canzlia communal duront las uras da spurtegl. L'administraziun communal porscha plinavon in abbonament en fuorma da pupi. Ils cuosts da porto da frs. 2.50 per protocol vegnan tschentai a quen als abbonents. Convischinas e convischins che han interess d'in tal abbonament ein supplicai da s'annunziar tier l'administraziun communal.

Sumvitg, 11-05-2018

Administraziun communal

Sanaziun dalla Via Reits – Punt Gonda

Igl onn vargau ha la vischnaunca entschiet cun la sanaziun dalla Via Reits – Punt Gonda. Ils 14 da matg 2018 vegnan las lavurs cuntinuadas cun la sanaziun dil tschancun naven da Reits entochen la Punt Gonda. Duront il temps da sanaziun ei la via sin il tschancun da Reits entochen la Punt Gonda serrada mintgamai naven da gliendisdis allas 07.00 entochen venderdis allas 18.00 uras.

Nus supplichein per enconuschientscha. Ulteriuras informaziuns survegnis Vus directamein dil biro Deplazes a Surrein (tel. 081 943 25 60).

Sumvitg, 11-05-2018

Departament traffic

Rimnada da pupi e cartun

Venderdis, ils 25-5-2018

All'entschatta ina supplica:

Per simplificar in tec nossa lavur, fussen nus fetg engrazieivels, sch'il pupi savess vegnir ligiaus aschia ch'ils pachets dattan buca dapart. Tier il cartun vala il medem. Fagei aschi bien e ligei era cheu ensemen quel tier pachets. Quei fuss in enorm levgiament per nus che rimnein il pupi e cartun. Per mintgin/a da Vus ina pintga causa e per nus in enorm avantatg. Sch'ezatgi vul menar sez siu pupi e cartun tier las muldas, lu sesanflan quellas **a Rabius,**

Cumpadials, Sumvitg ed a Surrein.

La 5. e 6. classa rimnan:

avonmiezdi: Sumvitg–Cumpadials–S. Benedetg e Clavadi

suentermiezdi: Surrein

L'uniun da dunnas rimna encunter sera a Rabius. Grond engraziament per Vossa capientscha e bunaveglia. Scholaras e scholars cun las persunas d'instrucziun dil *Consorti da scola Sumvitg-Trun*

Uniun da dunnas Rabius

Preavis!

L'uniun rimna pupi e cartun **venderdis, ils 25 da matg** a Rabius. Sperein sin stedia participaziun. Infos detagliadas suondan. Cordials salids *la suprastonza*

Lavar ora la baselgia a Sumvitg

Nus lavein ora la baselgia a Sumvitg **mesjamna, ils 16 da matg 2018**, naven dallas 8.00.

Tuts ein cordialmein envidai, giuven e vegl, um e dunna. Pli biars che nus essan e pli tgunsch che la lavur va orda maun.